



00020

劔南詩彙目錄

卷第三

飯三折舖舖在亂山中
小南新酒無獨

飲理 畏虎 戲題 蟠龍瀑布 題梁

王君瑞豐亭 馬上 鄰山縣道上作

鄰水延福寺早行 岳池農家 過廣安

吊張才叔諫議 果州驛 畱樊亭三日

王覺民檢詳日攜酒來飲海棠下比去花

劔南詩彙

卷三日

汲古閣

亦衰矣
首二 柳林酒家小樓 南池 唐

長慶中南池新亭碑在漢高帝廟側亭已

失所在矣 聞杜鵬戲作 鼓樓舖醉歌

登慧照寺小閣 春雨 風雨中過龍

洞閣 驛舍海棠已過有感 籌筆驛

嘉川舖遇小雨景物尤奇 老君洞 大

安病酒畱半日王守復來招不往送酒解

醒因小飲江月館 金牛道中遇寒食

曉發金牛 山南行 南鄭馬上作 和

高子長叅議道中 首二 次韻張季長題龍

洞 次韻子長題吳太尉雲山亭 送劉

戒之東歸 周元吉蟠室詩 送范西叔

赴召 首二 寄鄧公壽 簡章德茂 自三

泉泛嘉陵至利州 木瓜舖短歌 夜抵

葭萌惠照寺寓榻小閣 太息 首二 閨中

作二首 遊錦屏山謁少陵祠堂 仙魚

劔南詩藁 卷三目 汲古閣

舖得仲高兄書 自閬復還漢中次益昌

驛亭小憩遣興 再過龍洞閣 自笑

三泉驛舍 嘉川舖得檄遂行中夜次

小柏 歸次漢中境上 沔陽夜行 道

中累日不肉食至西縣市中得羊因小酌

初離興元 自興元赴官成都 書事

雨中過臨溪古堠 南沮水道中 長

木晚興 遣興 長木夜行抵金堆市

劔南詩藁

卷三目

汲古閣

赴成都泛舟自三泉至益昌謀以明年下

三峽 壬辰十月十三日自閬中還興元

遊三泉龍門十一月二日自興元適成都

復攜兒曹往遊賦詩 予行蜀漢間道出

潭毒關下每憩羅漢院山光軒今復過之

悵然有感 棧路書事 雪晴行益昌道

中頗有春意 息婦引 誌公院在劔門

東五里院東石壁間有若僧負杖者杖端

髣髴有刀尺拂子之狀 劔門道中遇微

雨 劔門關 劔門城北回望劔關諸峯

青入雲漢感蜀亡事慨然有賦 丹芝行

過武連縣北柳池安國院煮泉試日鑄

顧渚茶院有二泉皆甘寒傳云唐僖宗幸

蜀在道不豫至此飲泉而愈賜名報國靈

泉云 三首 宿武連縣驛 初入西州境述

懷 綿州魏成縣驛有羅江東詩云芳草

有情皆礙馬好雲無處不遮樓戲用其韻

卽事首二青村寺交行綿州道中越王

樓首二東津東山落綿州錄叅軍廳觀

姜楚公画鷹少陵爲作詩者羅江驛翠

望亭讀宋景文公詩曾鹿頭關過龐士元

廟宇遊漢州西湖嚴君平十臺梅花

拜張忠定公祠二十韻成都歲暮始

微寒小酌遣興再賦梅花登塔先

劔南詩藁

卷三日

汲古閣

主廟次唐貞元中張儼詩韻三首睡起書

事西郊尋梅分韻作梅花詩得東字

字文子友聞予有西郊尋梅詩以詩借

觀次其韻海棠簡南禪勤長老和

譚德稱送牡丹二首初到蜀州寄成都諸

友自蜀州暫還成都奉簡諸公摩訶

池三月十七日夜醉中作嘉祐院觀

壁間文湖州墨竹春晚書懷偶憶首二

萬州戲作短歌 驛舍見故屏風画海棠

有感 息政堂東軒偶題 荔枝樓小酌

平生首二 嘉陽官舍奇石甚富散棄無領畧者

足其子始取作假山因名西竺曰小山堂為賦

短歌 望雲樓晚興 護國天王院故神

霄玉清萬壽宮也廢圯畧盡而規模尚極

壯麗過之有感 登荔枝樓 再賦荔枝

樓 能仁院前有石像丈餘蓋作大像時

劔南詩藁

卷三日 五

汲古閣

樣也

...

...

...

...

...

...

...

劔南詩彙卷第三

飯三折舖舖在亂山中

平生愛山每自歎舉世但覺山可玩皇天憐之
足其願著在荒山更何怨南窮閩粵西蜀漢馬
蹠幾歷天下半山橫水掩路欲斷崔嵬可陟流
可亂春風桃李方漫漫飛棧凌空又奇觀但令
身健能強飯萬里只作遊山看

小市

劔南詩彙

卷之三

汲古閣

小市門前沙作堤杏花雖落不霑泥客心尚壯
身先老江水方東我獨西甕憩軒窗仍汛掃遠
遊書劔亦提攜子規應笑飄零慣故傍茆簷盡
意啼

酒無獨飲理

酒無獨飲理常恨欠佳客忽得我輩人豈計晨
與夕少年事虛名歲月駒過隙自從老大來
日亦可憺糟丘未易辦小計且千石頽然置萬

事天地爲幕帟人生如刀礪磨盡要有日不須
荷鍾隨况問幾兩屐

畏虎

滑路滑如苔澀路澀若梯夏堪都梁下一雪三
日泥泥淡尚云可委身餓虎蹊心寒道上跡魄
碎茆葉低常恐不自免一處均豬雞老馬亦甚
畏憊憊不敢嘶吾聞虎雖暴未嘗窺汝棲孤行
算不止取旣非排擠彼讒實有心平地生溝谿
劔南詩藁

卷之三

汲古閣

哀哉馬新息薏苡成珠犀

戲題

走馬平欺刺繡坡放船橫截亂絲渦從來倚箇
心平穩遇險方知得力多

蟠龍瀑布

遠望紛珠纓近觀轉雷霆人言水出奇意使行
人驚人驚我何得定非水之情水亦有何情因
物以賦形處高勢趨下豈樂與石爭退之亦隘人

強言不平鳴古來賢達士初亦願躬耕意氣或
感激邂逅成功名

題梁山軍瑞豐亭

我行都梁窘風雪史君喜事能畱客瑞豐亭上
一尊酒渺渺郊原水初白峽中地福常苦貧政
令愈簡民愈淳本來無事只畏擾擾者才吏非
庸人都梁之民獨無苦須晴得晴雨得雨史君
心愛稼如雲時上斯亭按歌舞歌闌舞罷史君
劍南詩藁

卷之三

汲古閣

醉父老羅拜豐年賜聖朝尚實抑虛文縱產芝
房非上瑞

馬上

殘年流轉似萍根馬上傷春易斷魂烘燠花無
經日葢漲溪水過去年痕迷行每問樵夫路投
宿時敲竹寺門不信太平元有象牛羊點點散

煙村

鄰山縣道上作

微雨晴時出驛門亂鶯啼處過江村挽花醉袖
露餘馥迎日征鞍借小溫客路一身真吊影故
園萬里欲招魂鬢毛無色心猶壯藉草悲歌對
酒尊

平未鄰水延福寺早行

化蝶方酣枕聞雞又著鞭亂山徐吐日積水遠
生煙淹泊真衰矣登臨獨惘然桃花應笑客無

酒到愁邊

酒偶盡市
醕不可飲

劔南詩藁

卷之三
四

汲古閣

岳池農家

春淡農家耕未足原頭叱叱兩黃犢泥融無塊
水初渾雨細有痕秧正綠綠秧分時風日美時
平未有差科起買花西舍喜成婚持酒東鄰賀
生子誰言農家不入時小姑畫得城中眉一雙
素手無人識空村相喚看縑絲農家農家樂復
樂不比市朝爭奪惡宦遊所得真幾何我已三

年廢東作

過廣安吊張才叔諫議

春風疋馬過孤城欲吊先賢涕已傾許國肺肝
知激烈照人眉宇尚崢嶸中原成敗寧非數後
世忠邪自有評歎息知人真未易流芳遺臭盡
書生

果州驛

驛前官路堠纍纍歎息何時送我歸池館鷲花

春漸老窗扉燈火夜相依孤鸞怯舞愁窺鏡老

劔南詩臺

卷之三
五

汲古閣

馬貪行強受鞅到處風塵常撲面豈惟京洛化
人衣

畱樊亭三日王覺民檢詳日攜酒來飲海
棠下比去花亦衰矣

畱落猶能領物華名園又作醉生涯何妨海內
功名士共賞人間富貴花

又

石衛尉家錦步障移在樊家園館中醉到花殘

呼馬去聊將俠氣壓春風

柳林酒家小樓

桃花如燒酒如油緩轡郊原當出遊微倦放教
成午夢宿醒畱得伴春愁遠途始悟乾坤大晚
節偏驚歲月適記取晴明果州路半天高柳小
青樓

南池

杜詩所謂安知有蒼池萬頃浸坤軸者今已盡廢

二月鶯花滿閣中城南搔首立衰翁數莖白髮

劍南詩藁

卷之二

汲古閣

愁無那萬頃蒼池事已空陂復豈惟民食足渠
成終助霸圖雄眼前碌碌誰知此漫走鼓祠乞

歲豐

池上有漢高帝廟

唐長慶中南池新亭碑在漢高帝廟側亭

已失所在矣

池廢新亭亦已無遺碑半滅臥春蕪文章綺靡
雖非古今代詞人不辦渠

聞杜鵑戲作絕句

半世羈遊厭路岐，憑鞍日日數歸期。勞君樹杪
丁寧語，似勸飢人食肉糜。

鼓樓舖醉歌

書生迫飢寒，一飽輕三巴。三巴未云已，北首趨
襖斜。凶凶出門去，裘馬不復華。短帽障赤日，烈
風吹黃沙。俶裝先晨雞，投鞭後昏鴉。壯哉利閭
間，崖谷何谿罅。地荒多牧卒，往往聞蘆笳。我行
春未動，原野今無花。稚子入旅夢，挽鬚勸還家。
劔南詩藁

卷之三
七

汲古閣

起坐不能寐，愁腸如轉車。四方丈夫事，行矣勿
咨嗟。

登慧照寺小閣

少年富貴已悠悠，老大功名定有不。歲月消磨
闌，亭傳山川遠。逸弊衣裘，殺身有地初非惜。報
國無時未免愁。局促每思舒望眼，雖非吾土強
登樓。

春雨

江頭一夜雨曉路無新花我今爲陳人感此重
歎嗟羲和挾兩曜疾走不可遮古今俛仰間那
暇惜物華

風雨中過龍洞閣

飄然醉袖怒人扶箇裏何曾有畏塗卷地黑風
吹慘澹半天朱閣插虛無關邊歸鶴如爭捷雲
表飛仙定可呼莫怪衰翁心膽壯此身元是一
枯株

劔南詩藁

卷之三
八

汲古閣

驛舍海棠已過有感

淒涼古驛官道傍朱門沈沈春日長暄妍光景
老海棠顛風吹花滿空廊物生榮頽固其常惜
哉無與持一觴遊蜂戲蝶空自忙豈知美人在
西廂我雖已老猶能狂竚立爲爾悲容光盛時
不遇誠可傷零落逢知夏斷腸

籌筆驛

有武侯祠堂

運籌陳迹故依然想見旌旗駐道邊一等人間

管城子不堪譙叟作降牋

嘉川鋪遇小雨景物尤奇

一春客路厭風埃小雨山行亦樂哉危棧巧依

青嶂出飛花併下綠巖來面前雲氣翔孤鳳腳

底江聲轉疾雷堪笑書生輕性命每逢險處夏

徘徊

老君洞

有石刻載唐明皇幸蜀見老君於此

來卧不卦

丹鳳樓頭語未終崎嶇蜀道復相逢太清宮闕

劔南詩藁

卷之三九

汲古閣

俱煨燼豈亦南來避賊鋒

大安病酒畱半日王守復來招不往送酒

解醒因小飲江月館

江驛春醒半日畱夏煩送酒爲扶頭柳花漠漠

嘉陵岸別是天涯一段愁

金牛道中遇寒食

乍換春衫一倍輕况逢寒食十分晴鷲穿驛樹

惺惚語馬過溪橋蹀躞行画柱綵繩喧笑樂豔

粧麗服肉鮮明誰知此日金牛道非復當時鐵

馬聲

紹興初虜大入至金牛而遯

曉發金牛

客枕何時穩忽忽又東裝快晴生馬影新暎拆
花房沮水春流綠嶓山曉色蒼阿瞞狼狽地千
古有遺傷

自金牛以西皆明皇幸蜀路

山南行

我行山南已三日如繩大路東西出平川沃野

劔南詩藁

卷之三

汲古閣

望不盡麥隴青青桑鬱鬱地近函秦氣俗豪鞦韆
蹴鞠分朋曹首藹連雲馬蹄健楊柳夾道車
聲高古來歷歷興亡處舉目山川尚如故將軍
壇上冷雲低丞相祠前春日算國家四紀失中
原師出江淮未易吞會看金鼓從天下却用關
中作本根

南鄭馬上作

南鄭春殘信馬行通都氣象尚崢嶸迷空遊絮

憑陵去曳綫飛鳶跋扈鳴落日斷雲唐闕廢德宗

詔山南淡煙芳草漢壇平近郊有韓信拜大將壇猶嫌未

豁胸中氣目斷南山天際橫城中望見長安南山魚來青

和高子長叅議道中二絕雲雷雲日

梁州四月晚鶯啼共憶扁舟罨畫谿莫作世間

兒女態明年萬里駐安西不

又

豐年食少厭兒啼覓得微官落五谿大似無家

劍南詩豪卷之三十一汲古閣

老禪衲打包還度棧雲西五

次韻張季長題龍洞

我筭謁紫皇翳鳳驂虬龍俯不見塵世浩浩萬

里空謫墮尚遠遊忽到漢始封西望接蜀道北

顧連秦中壯哉形勝區有此蜿蜒宮雷霆自鞞

鞞環玦亦璵瓏石屋如建章萬戶交通來者

各有得盡取知無從憑高三歎息自古幾英雄

老我文字衰揮毫看諸公

次韻子長題吳太尉雲山亭

叅謀健筆落縱橫太尉清罇賞快晴文雅風流
雖可愛關中遺虜要人平人天眾雜香來焚香
去國三年恨未平東城況復送君行難憑魂夢
尋言笑空向除書見姓名殘日半竿斜谷路西
風萬里玉關情蘭臺粉署朝回晚宵記麤官數
寄聲

劔南詩藁

卷之二
十二

汲古閣

周元吉蟠室詩

天下有廣居非阿房建章賓餞日及月闔闢陰
與陽山川坦然平何者爲藩牆孔公暨瞿聃同
坐此道場哀哉世日隘肝膽分界疆感縮戰蝸
角崎嶇走羊腸周先早得道所證非復常小室
古城隅宛如野僧房能容人天衆雜香來燒香
三萬二千人各據獅子牀實際正如此切忌鑽
商量須彌芥子話今夕當舉揚

送范西叔赴召

天涯流落過重陽
楓葉搖丹已著霜
衰病強陪蓮幕客
淒涼又送石渠郎
杜陵雁下悲徂歲
笠澤魚肥夢故鄉
僂恐從今長隔濶
舊交新貴例相忘

又

欲駕征車勸小留
南山南畔夏逢秋
數聲過雁催行色
一盞昏燈話別愁
自管文章關治道
卽劔南詩藁

卷之三十三

汲古閣

今臺閣要名流
白頭尙作書癡狂
賸乞朱黃與校讐

寄鄧公壽

高標瑤樹與瓊林
靈府清寒出苦吟
海內十年求識面
江邊一見卽論心
紛紛俗子常成市
疊疊微言孰賞音
聞道南池梅最早
要君攜手試同尋

簡章德茂

殊方邂逅豈無緣
世事多乖復悵然
造物無情吾輩老
古人不死此心傳
冷雲黯黯朝橫棧
紅葉蕭蕭夜滿船
箇裏約君同著句
不應輸與灞橋邊

自三泉泛嘉陵至利州

日日遭途處處詩
書生活計絕堪悲
江雲坐地灘風急
一似前年上碛時

木瓜舖短歌

劔南詩藁

卷之三
十四

汲古閣

鼓樓坡前木瓜舖
歲晚悲辛利州路
當車礪礪石如屋
百里夷途無十步
溪橋缺斷水齧沙
崖腹崩頽風拔樹
虎狼妥尾擇肉食
狐狸豎毛啼日暮
冢丘短草聲窸窣
往往精靈與人遇
我生胡爲忽在此
正坐一飢忘百慮
五夏出門寒裂面
半夜燎衣泥滿袴
妻孥八月離夔州
寄書未到今何處
餘年有幾百憂集
日夜朱顏不如故
卽今臺省盛諸賢
細思寧是儒冠誤

夜抵葭萌惠照寺寓榻小閣

亭驛驅馳髀肉消故山歸夢愈迢迢夜行觸尉
那能避旦過隨僧不待招雨後風雲猶慘澹霜
前草木已蕭條衰遲事事非平日醉裏題詩亦
復聊

太息

宿青山舖作

太息重太息吾行無終極冰霜迫殘歲鳥獸號
落日秋砧滿孤村枯葉擁破驛白頭鄉萬里墮

劔南詩藁

卷之二
十五

汲古閣

此虎豹宅道邊新食人膏血染草棘平生鐵石
心忘家思報國卽今冒九死家國兩無益中原
久喪亂志士淚橫臆切勿輕書生上馬能擊賊

又

淒淒復淒淒山路窮攀躋僕病臥草間馬困聲
酸嘶脫兔截道犇窮狃上樹啼崩湍一何哀下
落萬仞谿昏黑投孤戍洗我衣上泥下愚不可
遷大惑終身迷仕宦十五年曾不飽糠粝客路

少睡眠月白聞號雞欲行且復止虎來茆葉低
閩中作

殘年作客遍天涯下馬長亭便似家三疊淒涼
渭城曲數枝開澹閩中花襞牋授管相逢晚理
鬢熏衣一笑譚俱是邯鄲枕中夢墜鞭不用憶
京華

又

挽住征衣爲濯塵閩州空釀絕芳醇鶯花舊識
劔南詩藁

卷之三
十六

汲古閣

非生客山水曾遊是故人邀樂無時冠巴蜀語
音漸正帶咸秦平生贖有尋梅債作意城南看
小春

遊錦屏山謁少陵祠堂

城中飛閣連危亭處處軒窗臨錦屏涉江親到
錦屏上却望城郭如丹青虛堂奉祠子杜子睂
宇高寒照江水古來磨滅知幾人此老至今元
不死山川寂寞客子迷草木搖落壯士悲文章

垂世自一事忠義凜凜令人息夜歸沙頭雨如
注北風吹船橫半渡亦知此老憤未平萬竅爭
號泄悲怒

仙魚舖得仲高兄書

病酒今朝載臥輿秋雲漠漠雨疎疎閩州城北
仙魚舖忽得山陰萬里書

自閩復還漢中次益昌

北首褰斜又幾程驕雲未放十分晴馬經斷棧

劔南詩藁

卷之三
十七

汲古閣

危無路風掠枯茆颯有聲季子貂裘端已弊吳
中菰菜正堪烹朱顏漸改功名晚擊筑悲歌一
再行

驛亭小憩遣興

淡日微雲芙蓉陸離曲闌危棧出參差老松臨道
闌干載杜宇號山連四時漢水東流那有極秦
關北望不勝悲郵亭下馬開孤劔老大功名頗

自期

再過龍洞閣

天險龍門道霜清客子遊一筇緣絕壁萬仞俯
洪流著脚初疑夢回頭始欲愁危身無補國忠
孝兩堪羞

自笑

自笑謀生事事疎年來錐與地俱無平章春韭
秋菘味拆補天吳紫鳳圖食肉定知無骨相珥
貂空自誑頭顱惟餘數卷殘書在破篋蕭然笑
劍南詩豪

卷之三
十八

汲古閣

獠奴

三泉驛舍

殘鐘斷角度黃昏小驛孤燈早閉門霜氣峭深
摧草木風聲浩蕩卷郊原故山有約頻回首末
路無歸易斷魂短鬢蕭蕭不禁白強排幽恨近
清罇

嘉川舖得檄遂行中夜次小柏

黃旗傳檄趣歸程急服單裝破夜行肅肅霜飛

當十月離離斗轉欲三更酒消頓覺衣裘薄驛
近先看炬火迎渭水函關元不遠著鞭無日涕
空橫

歸次漢中境上

雲棧屏山闕月遊馬蹄初喜蹋梁州地連秦雍
川原壯水下荆楊日夜流遺虜孱孱寧遠略孤
臣耿耿獨私憂良時恐作他年恨大散關頭又
一秋

劍南詩藁

卷之三
十九

汲古閣

沔陽夜行

夜發沔陽驛坡陁岡阜重月斜欹帽影霜重溼
裘茸野岸鳴枯葉煙林度曉鐘梁州明日到一
笑解衰容

道中累日不肉食至西縣市中得羊因小

酌

門外倚車轅頽然就醉昏棧餘羊絕美壓近酒
微渾一洗窮邊恨重招去國魂客中無晤語燈

燼爲誰繁

初離興元

夢裏何曾有去來高城無奈角聲哀連林秋葉
吹初盡滿路寒泥蹋欲開笠澤決歸猶小憩錦
城未到莫輕回炊菰斫膾明年事却憶斯遊亦
壯哉

自興元赴官成都

平生無遠謀一飽百念已造物戲飢之聊遣行

劔南詩藁

卷之三
二十

汲古閣

萬里梁州在何處飛蓬起孤壘憑高望杜陵煙
樹略可指今朝忽夢破跋馬臨漾水此生均是
客處處皆可死劔南亦何好小憩聊爾爾舟車
有通塗吾行良未止

書事

生長江湖狎釣船跨鞍塞上亦前緣雲埋廢苑
呼鷹處雪暗荒郊射虎天醪酒芳醇偏易醉胡
羊肥美了無羶揚州雖有東歸日閉置車中定

悵然

雨中過臨溪古堠

道邊相送驛邊迎
水隔山遮似有情
歲晚無聊莫相笑
君方雨立我泥行

南沮水道中

磴舍臨湍瀨
層船聚小潭
山形寒漸瘦
雪意莫方酣
久客情懷惡
頻來道路諳
家山空悵望
無夢到江南

劔南詩藁

卷之三
二十一

汲古閣

長木晚興

沮水嶓山名古今
聊將行役當登臨
斷橋煙雨梅花瘦
絕澗風霜榭葉深
末路清愁常袞袞
殘冬急景易駸駸
故巢東望知何處
空羨歸鴉解滿林

遣興

貂裘破弊色淒涼
塞上歸來路更長
老驥嘶鳴常伏櫪
寒龜藏縮正支牀
彫零客路新霜鬢
歸

灑先師舊草堂九折阪頭休絕歎世間何地不
羊腸

長木夜行抵金堆市

夜行長木村重霧雜零雨溼螢粘野蔓寒犬吠
雲塲道壞交細泉亭廢立遺堵時時過農家燈
火照鳴杼嗟予獨何事無歲得安處卽今窮谷
中性命寄豺虎三更投小市買酒慰羈旅高詠
東山詩悵望懷往古

劔南詩藁

卷之二
二十一

汲古閣

赴成都泛舟自三泉至益昌謀以明年下

三峽

詩酒清狂二十年又摩病眼看西川心如老驥
常千里身似春蠶已再眠算雪鳥奴停醉帽秋
風白帝放歸船飄零自是關天命鎔被人呼作
地仙

壬辰十月十三日自閬中還興元遊三泉

龍門十一月二日自興元適成都復攜兒

曹往遊賦詩

勝地憺輕別短筇成後遊門呀一境異木落四
山秋野鴿翔深竇蟠蛟擅古湫棧危縈峭壁橋
迴跨犇流白雨穿林至腥風卷地浮真成起衰
病不但洗孤愁登陟知難再吟哦爲小畱回頭
卽萬里雪滿戴谿舟

予行蜀漢間道出潭毒關下每憩羅漢院
山光軒今復過之悵然有感

劔南詩藁

卷之三
二十三

汲古閣

山光軒上幾閑遊潭毒關前又小畱麥隴雪苗
寒剡剡柘林風葉算颼颼馬行劔閣從今始門
泊吳船亦已謀醉眼每嫌天地迤盡將萬里著
吾愁

棧路書事

危閣聞鈴馱湍流見磴船汲江人負盎騎馬客
蒙羶梨美來秦地橙香接楚天癡頑殊耐事隨
處一欣然

雪晴行益昌道中頗有春意

杜陵雁下歲將殘
疋馬西遊雪擁關
顛顛願敢忘
雙闕路淹遲
遍看兩川山
春回柳眼梅鬚裏
愁在鞭絲帽影間
安得黃金成大藥
爲人千載駐顏顏

世有思歸引

善泅不如穩
棄舟善騎不如謹
持轡妙於服食
不如寡欲工於揣摩
不如省事在天有命誰得

劔南詩藁

卷之三
二十四

汲古閣

逃在我無求直
差易散人家風脫糾纏
煙蓑雨笠全其天
蕪絲老盡歸不得
但坐長飢須俸錢
此身不堪阿堵役
寧待秋風始投檄
山林聊復取熊掌
仕宦眞當棄雞肋
錦城小憩不淹遲
卽是輕舠下碇時
那用夏爲麟閣夢
從今正有鹿門期

誌公院在劔門東五里院東石壁間有若

僧負杖者杖端髣髴有刀尺拂子之狀

江東爭奪纏妖褻哀哉斯民亂方甚錦幪老人
蓋古佛現身爲作大慈蔭蕭翁八十尚兒癡旛
蓋鍾螺闢中禁當時此老默笑渠大法棟梁身
獨任杖頭示人三轉語開口喪身如飲鳩紛紛
放弒但可憐何曾爲汝陳符讖

入劍門道中遇微雨

衣上征塵雜酒痕遠遊無處不消魂此身合是

詩人未細雨騎驢入劍門

劍南詩藁

卷之三
二十五

汲古閣

劍門關

劍門天設險北鄉控函秦客主固殊勢存亡終
在人棧雲寒欲雨關柳暗知春羈客坐坐老憑
高一愴神

劍門城北回望劍關諸峯青入雲漢感蜀

亡事慨然有賦

自管英雄有屈信危機變化亦逡巡陰平窮寇
非難御如此江山坐付人

丹芝行

劔山峨峨插穹蒼千林萬谷蟠其陽大丹九轉
古所藏靈芝三秀夜吐光如火非火森有芒朝
陽欲升尚煌煌何由斲取換肝腸往駕素虬朝
紫皇

過武連縣北柳池安國院煮泉試日鑄顧
渚茶院有二泉皆甘寒傳云唐僖宗幸蜀
在道不豫至此飲泉而愈賜名報國靈泉

劔南詩藁

卷之二
二十六

汲古閣

云

滴瀝珠璣翠壁間遭時曾得奉龍顏欄傾甃缺
無人管滿院松風晝掩關

又

行殿淒涼迹已陳至今父老記南巡一泓寒碧
無今古付與閑人作主人

又

我是江南桑苧家汲泉閑品故園茶只應碧缶

蒼鷹爪可壓紅囊白雪芽

日鑄貯以小餅攏紙丹印封之顧渚貯以

紅藍綠囊皆有成貢

宿武連縣驛

平日功名浪自期頭顱到此不難知宦情薄似
秋蟬翼鄉思多於春繭絲野店風霜傲裝早縣
橋燈火下程遲鞭寒熨手戎衣窄忽憶南山射
虎時

初入西州境述懷

劔南詩藁

卷之三
二十七

汲古閣

我無飛仙術御氣周八極寸步常依人難哉萬
里役自行劔關南大道平如席日高徐駕車薄
暮亦兩驛及茲山愈遠原野若加闢茂樹冬不
凋寒花晚猶拆管我卜遠遊至蜀龜輒食弛裝
有定處嗚呼豈人力頗傳岷山下清淑無癘疫
士風尚豪舉意氣喜遠客薪米家可求俗書亦
易得思吳雖不忘所願少休息吾聞古達人雅
志在山澤豈無及物心但恨俗褊迫攬德雖成

留引去常勇決駭機滿人間著脚無上策

綿州魏成縣驛有羅江東詩云芳草有情
皆礙馬好雲無處不遮樓戲用其韻

老夫乘興忽西遊遠跨秦吳萬里秋尊酒登臨
遍山寺歌辭散落滿江樓孤城木葉蕭蕭下古
驛灘聲漉漉流未許詩人誇此地茂林脩竹憶

吾州

卽事

劔南詩藁

卷之三
二十八

汲古閣

涓水岐山不出兵却攜琴劔錦官城醉來身外
窮通小老去人間毀譽輕捫蝨雄豪空自許屠
龍工巧竟何成雅聞昏下多區芋聊試寒爐玉
糝羹

青村寺

十年淹泊望修門臨水登山幾斷魂短鬢星星
身欲老小樓微月宿青村

行綿州道中

三年客江碛萬死脫魚鼉平地從今始窮塗敢
復論園畦棋局整坡壠海濤翻瘦犢應多恨泥
塗伏短轅

越王樓

上盡江邊百尺樓倚欄極目暮江秋未甘便作
衰翁在兩脚猶堪蹋九州

又

蒲萄酒綠似江流夜燕唐家帝子樓約住筦絃

劔南詩藁

卷之三
二十九

汲古閣

呼羯鼓要渠打散醉中愁

東津

歲暮涪江水歸壑白沙渺然石犖角蜀天常燠
少雪霜綠樹青林不搖落闌干詰曲臨官道煙
靄參差望城郭打魚斫膾修故事豪竹哀絲奉
歡樂樂莫樂於新相知美人一笑回春姿四方
本是丈夫事安用一生無別離

今日之集何佳哉入關劇飲始此回登山正可
小天下跨海何用尋蓬萊青天肯爲陸子見妍
日似趣梅花開有酒如涪綠可愛一醉直欲空
千壘馳酥鵝黃出隴右熊肪玉白黔南來眼花
耳熱不知夜但見銀燭高花摧京華故人死太
半歡極往往潛生哀聊將豪縱壓憂患鼓吹動
地聲如雷

綿州錄參一廳觀姜楚公畫鷹少陵爲作

劍南詩藁

卷之三
三十一

汲古閣

詩者

我來訪古涪之濱不辭百罔冀一真走馬朝尋
海樓館斫膾夜醉魴魚津越王高樓亦已換俯
仰今古堪悲辛督郵官舍最早陋棟撓楹腐知
幾春巋然此壁獨亡恙老槎勁翮完如新向來
劫火何自免叱呵守護疑有神妖狐九尾穴中
國某置不問如越秦天時此物合致用下韉指
呼端在人會當原野灑毛血坐令萬里清煙塵

老眼還憂不及見詩成肝膽空輪囷
羅江驛翠望亭讀宋景文公詩

撲馬征塵拂不開高亭欹帽一徘徊蜀山地曠
稀逢雪閨歲春遲未見梅陂水近人無鷺下煙
林藏寺有鐘來宋公出牧曾題壁錦段雖殘試
剪裁
來齋鹿頭關過龐士元廟

士元歿千載淒惻過遺祠海內常難合天心豈
劔南詩豪

卷之二
三十一

汲古閣

易知英雄今古恨父老歲時思蒼蘚無情極秋
來滿斷碑

遊漢州西湖

房公一跌輦衆毀八年漢州爲刺史遶城鑿湖
一百頃島嶼曲折三四里小菴靜院穿竹入危
榭飛樓壓城起空濛煙雨媚松楠顛倒風霜老
葭葦日月苦長身苦閑萬事不理看湖水向來
愛琴雖一癖觀過自足知夫子画舫載酒凌湖

光想公樂飲千萬場歎息風流今未泯兩川名

醞避鵝黃

鵝黃漢中酒名
蜀中無能及者

嚴君平卜臺

先生久已蛻氛埃道上猶傳舊卜臺乞得寒泉

濯肝肺真成萬里不虛來

臺後有大井名通仙
井相傳君平所浚

梅花

家是江南友是蘭水邊月底怯新寒畫圖省識

驚春早玉笛孤吹怨夜殘冷淡合教閑處著清

劔南詩藁

卷之三
三十二

汲古閣

臞難遣俗人看相逢劔作樽前恨索笑情懷老

漸闌

拜張忠定公祠二十韻

張公世外人與蜀偶有緣天將靖蜀亂生公在

人間厥初大盜興樂禍迭相挺天子輟玉食貴

臣擁戎旃生殺出喜怒死者常差肩公曰此何

哉從之吾欺天河流觸地軸砥柱屹不遷苟從

盡縱捨飛章交帝前上意竟開悟至仁勝兇殘

貴臣不極賞追還黜其權安危關社稷豈惟蜀
民全後來有阿童握兵事開邊晚策睦州功上
公珥金蟬勢張不可禦北鄉挑幽燕神京遂丘
墟迄今天步艱時無忠定公孰能折其紆我來
拜遺祠喬木含蒼煙死者不可作愀然衰涕漣
憤切感虜甌慷慨思公賢春秋送迎神誰爲歌
此篇

成都歲暮始微寒小酌遣興

劔南詩藁

卷之三十三

汲古閣

革帶頻移紗帽寬茶鐺欲熟篆香殘疎梅已報
先春信小雨初成十月寒身似野僧猶有髮門
如村舍強名官鼠肝蟲臂元無擇遇酒猶能罄
一歡

再賦梅花

老來愛酒賸狂顛况復梅花到眼邊不怕幽香
妨靜觀正須疎影伴癯仙松筠共歎冰霜晚桃
李從教雨露偏此去西湖八千里破愁一笑得

無緣

登塋

冷官無一事日得閑遊壯哉千尺塋攝衣上
上頭眼力老未減足疾新有瘳幸茲濟勝具俯
仰隘九州雪山西北橫大江東南流画棟雲氣
涌鐵鐸風聲適旅懷忽惻愴涕下不能收十年
辭象魏萬里懷松楸仰視去天咫絕叫當聞不
帝闈守虎豹此計終悠悠

劔南詩藁

卷之三
三十四

汲古閣

帝闈先王廟次唐貞元中張儼詩韻

猾賊挾至尊天命矜在己豈知高帝業煌煌漢
中起

又

吳蜀本脣齒悲哉乃連兵盡銳下三硤誰使復

兩京

又

洛陽化爲灰棘生銅駝陌討賊志不成父老泣

陵栢

廟在惠陵側

尚
睡起書事

京華豪飲釀千鍾
濯錦江邊怯酒濃
烈士壯心雖未減
狂奴故態有誰容
折梅著句聊排悶
閉戶焚香剗放慵
午枕如雷君莫怪
西風吹夢過吳松

西郊尋梅

西郊梅花矜絕艷
走馬獨來看不厭
似羞流落

劍南詩藁

卷之三十三十五

汲古閣

蒙市塵寧墮荒寒
傷茆店翛然自是
世外人過去生中
差一念淺顰常鄙
桃李學獨立不容
罵蝶覩山礬水仙
晚角出大是春秋
吳楚僭餘花豈無
好顏色病在一俗
無由砭朱欄玉砌
渠有命斷橋流水
君何欠嗟余相與
頗同調身客劍南
家在剡淒涼萬里
歸無日蕭颯二毛
衰有漸尚能作意
晚相從爛醉不辭
盃瀲灩

分韻作梅花詩得東字

淺寒籬落清霜後疎影池塘淡月中北客同春
俱稅駕南枝與我兩飄蓬從來遇酒千鍾少此
外評花四海空惟恨廣平風味減坐看徐庾擅
江東

宇文子友聞予有西郊尋梅詩以詩借觀

次其韻

拾遺遺跡付緇郎槁葉凝塵欲滿堂已恨罇罍
孤勝踐夏堪風雨病幽芳蘭蓀千古有同調蜂
劍南詩藁

卷之三
三十六

汲古閣

蝶一春空自忙馬上得詩歸絕歎故園三徑久
成荒

海棠

范希
元園

誰道名花獨故宮

謂故蜀
燕王宮

東城盛麗足爭雄橫

陳錦障關千外盡吸紅雲酒醜中貪看不辭持
夜燭倚狂直欲擅春風拾遺舊詠悲零落瘦損

腰圍擬未工

老杜不應無海棠
詩意其失傳爾

簡南禪勤長老

宦遊處處是君恩，歸去無期莫更論。
眼正修行新有力，心空憂患已無根。
鉢盂分我雲堂飯，拄杖敲君竹院門。
屈宋向來堪一笑，故鄉何戀更招魂。
和譚德稱送牡丹
洛陽春色擅中州，檀暈鞵紅總勝流。
顛顛劍南人不管，問渠情味似儂不。

劍南詩藁

卷之三
三十七

汲古閣

吾生何拙亦何工，憂患如山一笑空。
猶有餘情被花惱，醉搔華髮倚屏風。

初到蜀州寄成都諸友

流落天涯鬢欲絲，年來用短始能奇。
無材藉作長閑地，有憊畱爲劇飲資。
萬里不通京洛夢，一春最負牡丹時。
襞牋報與諸公道，罨畫亭邊第

一詩

自蜀州暫還成都奉簡諸公

不染元規一點塵行歌偶到錦江濱淋漓詩酒
無虛日判斷鬢花又過春客路柳陰初墮絮還
家梅子欲生仁更須作意勤相過要信年光屬
散人

摩訶池

摩訶古池苑一過一消魂春水生新漲煙蕪沒
舊痕年光走車轂人事轉萍根猶有宮梁燕銜

泥入水門

蜀宮中舊泛舟入此池曲折十餘里
今府後門雖已爲平陸然猶號水門

劍南詩藁

卷之三
三十八

汲古閣

人三月十七日夜醉中作

前年膾鯨東海上白浪如山寄豪壯去年射虎
南山秋夜歸急雪滿貂裘今年摧頽最堪笑華
髮蒼顏羞自照誰知得酒尚能狂脫帽向人時
大叫逆胡未滅心未平孤劍床頭鏗有聲破驛
夢回燈欲死打窗風雨正三更

嘉祐院觀壁間文湖州墨竹

石室先生筆有神我欲拂拭一酸辛敗牆慘澹

欲無色老氣森嚴猶逼人慣閱冰霜元耐久恥
隨兒女夏爭春紛紛可笑空摹擬爾輩毫端萬
斛塵

春晚書懷

吹盡郊原萬點紅燕梁考室亦忽忽老來偏覺
歲華速客裏忽驚春事空病有藥方傳肘後嬾
無詩句付囊中歸心日夜隨江水只欲東門覓

短篷

入吳者皆白
小東郭登舟

劔南詩藁

卷之三
三十九

汲古閣

又

經春淹泊錦官城作箇歸期苦未成老向軒裳
增力量病於風月減心情官閑有味緣高臥酒
貴無憂爲細傾憶探梅花如昨日西竺榆莢與
階平

又

老客天涯心尙孩惜春直欲挽春回長繩縱繫
斜陽住右手難移故國來暑近蚊雷先隱轡雨

前螿埳正崔嵬茹芝却粒終無術萬事惟須付
一盃

偶憶萬州戲作短歌

峽中天下最窮處萬州蕭條誰肯顧去年正月
偶過之曾爲巴人三日住南浦尋梅雪滿舟西
山載酒雲生屨至今夢聽竹枝聲燈火紛紛驛
前路殘春猶客蜀江邊陳迹回思一愴然漸老
定知歡漸少明年還復憶今年

劍南詩藁

卷之三
四十一

汲古閣

驛舍見故屏風画海棠有感

厭煩只欲長面壁此心安得頑如石杜門復出
歎習氣止酒還開慙定力成都二月海棠開錦
繡裏城迷巷陌燕宮最盛號花海霸國雄豪有
遺迹猩紅鸚綠極天巧疊萼重跗眩朝日繁華
一夢忽吹散閉眼細思猶歷歷憂樂相尋豈易
知故人應記醉中詩夜闌風雨嘉州驛愁向屏

風見折枝

息政堂東軒偶題

羈愁酒病兩無聊，小篆吹香已半消。喚起十年

閩嶺夢，蘋桐花畔見紅蕉。

蘋桐嘉州謂之百日紅蕉

碧瓦朱欄已半摧，強呼歌舞試樽罍。邦人莫訝

心情嬾，新出鸚花海裏來。

又

病與愁兼怯酒船，已歌聞罷更悽然。此身未死

劔南詩橐

卷之二十一

汲古閣

長爲客回首夔州又二年

嘉陽官舍奇石甚富，散棄無領畧者。予始

取作假山，因名西壘。曰小山堂爲賦，短歌

咎人何人愛巖壑，爲山未成儲犖散。落支床

壓酒槽大，或專車小拳握。幽人邂逅爲絕歎，脩

綆趣取寒泉濯峭峯。幽竇相吐吞，翠嶺丹崖渺

聯絡石不能言。意可解問我胡爲憐，寂寞人間

興廢自有數。咎棄何傷，今豈樂斯言妙矣。予則

陋敢對石友辭爵爵爲君寬作十日畱在眼便
同眞著脚
望雲樓晚興
小閣東南獨詠詩此生終與世差池夕陽明處
蒼煙合棲燕歸時画角悲人與江山均是夢心
非風月尚誰知舊交幾歲音塵隔三撫闌干有
所息

護國天王院故神霄玉清萬壽宮也廢圮

劔南詩藁

卷之三
四十二

汲古閣

略盡而規模尚極壯麗過之有感

太霄帝君神霄府一日璽書行海寓築宮奔走
誰敢後萬牛挽材山作礎步虛夜半落雲間玉
磬謬謬鸞鶴舞帝師丞相領使名侍晨校籍紛
如雨洛陽臨淮小睥睨御史立奏投裔土從來
桑門喜嘲競舉國冠巾噤無語古傳東海會揚
塵君看此地亦荆榛霓旌仙仗空遺堵甃缺臺
傾知幾春牧兒驅牛齧庭草誰記劔佩來朝眞

斜陽却上筍輿去
澗水泠泠愁殺人

登荔枝樓

平羌江水接天流
涼入簾櫳已似秋
喚作主人元是客
知非吾土強登樓
閑憑曲檻常忘去
欲下危梯更小留
公事無多厨釀美
此身不負負

嘉州

薛能詩不負嘉州只負身

再賦荔枝樓

只道文書撥不開
未妨高處獨徘徊
山橫瓦屋

劔南詩豪

卷之三
四十三

汲古閣

披雲出水自牂牁
裂地來暝入簾陰
吹細雨涼生樓角
轉輕雷癡頑也擬
忘鄉國不奈城頭
暮角哀

能仁院前有石像
丈餘蓋作大像時
樣也江閣欲開千
尺像雲龕先定此
規模斜陽徙倚空
三歎嘗試成功自
古無

劔南詩豪卷第三

虞山毛晉宋本校刊

劔南詩彙目錄

卷第四

謁凌雲大像 凌雲醉歸作 獨遊城西

諸僧舍 西林院 聽事前紫薇花二本

甚盛戲題絕句 同何元立蔡肩吾至東

丁院汲泉煮茶首二 癸巳夏旁郡多苦旱

惟漢嘉數得雨然未足也立秋夜三鼓雨

至明日晡後未止高下霑足喜而有賦首二

劔南詩彙

卷四目錄

汲古閣

晚登望雲首二 立秋後十日風雨淒冷

獨居有感 晦日西窗懷故山 秋日懷

東湖首二 小山之南作曲欄石磴繚繞如

棧道戲作二篇 得成都諸友書勸少畱

嘉陽戲作 道院 醉中感懷 玻瓈江

首一 夜息 雨夜懷唐安 迎詔書 秋

夜遣懷 送客至江上 雨中至西林寺

休日登花將軍廟小樓 深居 秋夜

獨醉戲題 感事 醉鄉 夜讀岑嘉州

詩集 次韻師伯渾見寄 社前一夕未

昏輒寢中夜乃得寐 晚雨 社日 立

秋後十日風雨淒冷獨居有感 晦日西

窗懷故山 秋日懷東湖 夜雨感懷

八月二十二日嘉州大閱 九月六夜夢

中作笑詩覺而忘之明日戲追補首一重

九會飲萬景樓 久客書懷 初報嘉陽

劔南詩豪 卷四目錄 汲古閣

除官還東湖有期喜而有作 聞勾龍司

戶會客山亭送酒殽及檝攬并簡諸同僚

九月十六日夜夢駐軍河外遣使招降

諸城覺而有作 何元立示九日詩臥病

累日乃能次韻 成都行 聞虜亂有感

醉歌 初寒 木山 寒夜遣懷 嘉

陽絕無木犀偶得一枝戲作 雨後登曲

樓獨酌 喜晴 曉出城東 寶劔吟

十月一日浮橋成以故事宴客凌雲
聞王嘉叟計報有作 出城至呂公亭按視

修堤 登樓 醉中作四首 觀大散關圖

有感 嘉州守宅舊無後圃因農事之隙

爲種花築亭觀甫成而歸戲作長句 連

日扶病領客殆不能支枕上懷故山偶成

余往與宇文亦介同客山南今年亦介

客歿臨安十月十一日夜忽夢相從取架

劔南詩藁

卷四目

汲古閣

上書共讀如平生讀未竟忽辭去畱之不

可曰欲歸按藥方旣覺泫然不能已因賦

此詩 金鐙刀行 言懷 十月十九日

與客飲忽記去年自錦屏歸山南道中小

獵今又將去此矣 冬日 十月十四夜

月終夜如晝 下元日五更詣天慶觀竇

林寺 梅花四首 西園 胡無人 公無

渡河 長門怨 長信宮詞 銅雀妓

得韓無咎書寄使虜時宴東都驛中所作

小閣 曉坐 斷碑歎 夜行至平寇憩

大悲院 迓益帥馬上作 蜀酒歌 十

一月八日夜燈下對梅花獨酌累日勞甚

頗自慰也 醉後草書歌詩戲作 古藤

杖歌 歲晚書懷 累日倦甚不能觸客

睡起戲作 種花 雨中登樓望大像

迎赦呈王志夫李德孺師伯渾 冬日

劔南詩彙

卷四目

汲古閣

雨中睡起 十二月初一日得梅一枝絕

奇戲作長句 無題 快晴 獨坐 十

二月十一日視築隄 題龍鶴菜帖 春

愁曲 荀秀才送蠟梅十枝奇甚 離嘉

州宿平羌 瑞草橋道中作 遊修覺寺

晚步湖上 暮春 池上醉歌 四月

五夜見螢 塞上曲 夜聞塙鈴及泉聲

劔南詩彙目錄

卷四

終

劔南詩豪卷第四

謁凌雲大像

出郭幽尋一笑新，徑呼艇子截煙津。不辭疾步

登重閣，聊欲今生識偉人。泉鏡正涵螺髻綠，浪

花不犯寶趺塵。

一泉泓然正在髻下，每歲漲水不能及佛足。

始知神

力無窮，盡丈六黃金果小身。

觀無量壽經云：或現小身丈六八尺。

凌雲醉歸作

峩嶠月入平菴水，歎息吾行俄至此。謫仙一去

劔南詩豪

卷之四

汲古閣

五百年至今，醉魂呼不起。玻瓈春滿琉璃鍾，

玻瓈

春眉州酒名

宦情苦薄，酒興濃飲如長鯨。渴赴海詩

成，放筆千觴空。十年看盡人間事，更覺麴生偏

有味。君不見蒲萄一斗換得西涼州，不如將軍

告身供一醉。

獨遊城西諸僧舍

我是天公度外人，看山看水自由身。蘚崖直上

飛雙屐，雲洞前頭岸幅巾。萬里欲呼牛渚月，一

生不受庾公塵非無好客堪招喚獨往飄然覺
更真

西林院

一邦盡對江邊像試比西林總不如

院門對大像最正

羣玉蕭森開士宅五雲飛動相君書

寺額五字唐相裴徹

書適美可愛

磴危漸覺山爭出屐響方驚閣半虛安

得棄官長住此一盃香飯薦珍蔬

聽事前紫薇花二本甚盛戲題絕句

劔南詩藁

卷之四

汲古閣

紅藥紫薇西省春從來惟慣對詞臣問囚自是
麤官分無奈名花解笑人

同何元立蔡肩吾至東丁院汲泉煮茶

一州佳處盡裴回惟有東丁院未來身是江南
老桑苧諸君小住共茶盃

又

雪芽近自峩嶒得不減紅囊顧渚春旋置風爐

清樾下它年奇事記三人

癸巳夏旁郡多苦旱惟漢嘉數得雨然未
足也立秋夜三鼓雨至明日晡後未止高
下霑足喜而有賦

画簷鳴雨早秋天不喜新涼喜有年眼裏香杭
三萬頃寄聲父老莫欣然

又

五十衰翁髮半華猶能把酒醉天涯絲毫美政
何曾有惟把豐年贈漢嘉

劔南詩藁

卷之四
三

汲古閣

晚登望雲

一出修門又十年輩流多已珥金蟬衰如蠹葉
秋先覺愁似鰥魚夜不眠輦路疎槐迎駕處苑
城殘日泛湖天君恩未報身今老徒倚危樓一
泫然

又

晚來煙雨暗江干烽火遙傳画角殘看鏡功名
空自許上樓懷抱若爲寬青楓搖落新秋令白

髮淒涼舊史官飽見少年輕宿士可憐隨處強
追歡

立秋後十日風雨淒冷獨居有感

急雨鳴瓦溝尖風入窗罅紗籠耿青燈寂寂新
秋夜誰言簿領中乃復有此暇稍繙書冊讀已
念灰火跨那知是羈客恍若在家舍睡晚且熟
眠洗沐官有假

明目也

晦日西窗懷故山

劔南詩藁

卷之四

汲古閣

今朝休日仍無客茶罷西窗臥解衣白髮已侵
殘夢境綠苔應滿舊漁磯桃源雞犬塵凡隔杜
曲桑麻夢想歸賴有小山聊慰眼幽篁叢桂雨
霏霏

秋日懷東湖

小閣東頭罨畫池秋來長是憶幽期身如巢燕
臨歸曰心似堂僧欲動時病息羈懷惟付酒西
風落日更催詩故知歲暮常多感不獨當年宋

玉悲

又

罨画池邊小釣磯
坐竿幾度到斜暉
青蘋葉動知魚過
朱閣簾開看燕歸
歲晚官身空自閔
途窮世事巧相違
邊州客少巴歌陋
誰與愁城略解圍

小山之南作曲欄
石磴繚繞如棧道
戲作

二篇

劍南詩藁

卷之四
五

汲古閣

羈遊隨處得哦詩
掃溉軒窗每恨遲
已幻小山寬客恨
更添危磴作兒嬉
偶畱塞上寧無數
徑返湖邊已有期
誰遣化工娛此老
幽花微拆綠苔滋

又

吏退庭空剗得閑
一窗如在翠微間
半崖縈棧遊秦路
疊嶂生雲入剡山
真有巖居臨絕壑
但無漁艇繫寒灣
躋攀自苦君休笑
寸步何曾不

險難

得成都諸友書勸少畱嘉陽戲作

一坐五十日癡頑良可哀
新涼爲醉地少訟作
慵媒市柳風煙慘汀蘋
歲月催遠官從漫浪垂

老嬾低回

市柳汀蘋皆屬唐安

道院

四壁長苔痕經旬掩綠樽
雨聲清夢境燈影伴
吟魂搖落悲徂歲漂流憶故園
擬騷無傑語千

劔南詩豪

卷之四
六

汲古閣

古愧湘沅

醉中感懷

早歲君王記姓名只今顛顛客邊城
青衫猶是鷓行舊白髮新從劔外生
古戍旌旗秋慘淡高城刁斗夜分明
壯心未許全消盡醉聽檀槽出塞聲

玻瓈江

眉州英飲亭蓋取東坡英飲玻瓈江之句追懷舊遊戲作以補西州

樂

府

玻瓈江水千尺深不如江上離人心君行未過
青衣縣妾心先到峨嵋陰金罇共釀不知曉月
落煙渚天橫參車輪無角那得住馬蹄不方向
處尋空憑尺素寄幽恨縱有綠綺誰知音愁來
只欲掩屏睡無奈夢斷聞疎砧

古樂府安得雙車輪一夜生四

角唐人詩云長安塵土中馬蹄圓重
重重郎馬蹄不方向處認郎蹤

夜思

蒼顏華鬢久低摧歎息何堪歲月催殘暑已隨

劔南詩橐

卷之四
七

汲古閣

團扇去新涼還傷短檠來月痕澹澹侵苔砌雲
葉蕭蕭覆水臺簿領沈迷無日了試憑詩思洗
氛埃

雨夜懷唐安

歸心日夜逆江流官柳三千憶蜀州小閣簾櫳
頻夢蝶平湖煙水已盟鷗螢依溼草同爲旅雨
滴空階別是愁堪笑邦人不解事區區猶借陸

君畱

蜀人舊語謂唐安有三千官柳四
千琵琶溼螢依草沒梅宛陵詩

迎詔書

憶瞻鬢仗省門前扇影鞭聲下九天寂莫嘉州
迎詔處忽聞鼓吹却悽然

秋夜遣懷

江雲傍簷山雨細羈客空堂臥荒翳心如秋燕
不安巢迹似春萍本無柢官身犇走何時定病
眼蒙籠惟欲閉壯遊不復記墜鞭夜語誰能懷
擁髻詩情已減但微吟酒戒漸堅纔小瘳從今

劔南詩藁

卷之四
八

汲古閣

夏擬著幽禪半世佺佺真誤計

送客至江上

多事經旬不出城今朝送客此閑行郊原遠帶
新晴色人語中含樂歲聲天際歛雲山盡出江
流收漲水初平故園社友應惆悵五歲無端棄
耦耕

雨中至西林寺

曾中荆棘費鋤耘正藉幽尋暫解紛不盡長江

來画玉半空飛閣對凌雲昏昏橫靄憑軒見杳
杳疎鐘隔岸聞珍重山僧迎客意螭奩一縷起

微熏

小軒下臨半江
發源自大渡河

休日登花將軍廟小樓

林間縹緲出層樓欄角蒼茫萬頃秋曾是胸中
著雲夢不妨此地少遲留

淡居

作吏難堪簿領迷淡居聊復學幽棲病來酒戶

劔南詩藁

卷之四
九

汲古閣

何妨小老去詩名不厭低零落野雲寒傷水霏
微山雨晚成泥自憐甫里家風在小摘殘蔬遶

廢畦

秋夜獨醉戲題

弊袍羸馬遍天涯恰似伶優著處家社甕嫩醅
初泛蟻寒缸殘燼自成花幽窗照影烏巾折醉
手題詩淡墨斜莫恨久爲峨下客江湖歸去得

雄誇

感事

清班曾見六龍飛
晚落天涯遠日畿
邊月空悲
新雪鬢京塵
猶染舊朝衣
江山壯麗詩難敵
風物蕭條醉絕稀
賴有東湖堪吏隱
寄聲籬菊待吾歸

醉鄉

醉鄉卜築亦佳哉
但苦無情白髮催
癡欲煎膠黏日月
狂思入海訪蓬萊
辭巢歸燕先秋去
泣

劔南詩藁

卷之四
十

汲古閣

露幽花近社
開莫惜傾家
僕作樂古人
白骨有蒼苔

夜讀岑嘉州詩集

漢嘉山水邦
岑公笱所寓
公詩信豪偉
筆力追李杜
常想從軍時
氣無玉關路

公詩多從戎西邊時所作

至

今蠹簡傳多
笱橫槩賦零
落財百篇崔
嵬多傑句工
夫刮造化音
節配韶護我
後四百年清
夢奉巾屨晚
途有奇事隨
牒得補處羣
胡自魚肉

明王方北顧誦公天山篇流涕息一遇

次韻師伯渾見寄

睂山漢嘉東西州估船日日到津頭不得講書
一行字倚遍臨江百尺樓黃鐘大呂忽復見繡
段英瑤何足酬願約青神王夫子來醉萬景作
中秋

社前一夕未昏輒寢中夜乃得寐

祠事當行懼不任未昏強臥擁孤衾三更自笑

劔南詩藁

卷之四
十一

汲古閣

元無睡萬事從來忌有心簷角河傾秋耿耿床
頭蟲語夜悄悄若耶溪上蘋花老倦枕何人聽
越吟

晚雨

蕭瑟度橫塘霏微映繚牆壓低塵不動灑急土
生香聲入楸梧碎清分枕簟涼回頭忽陳迹簷
角挂斜陽

社日

百穀登場酒滿卮
神林簫鼓晚清悲
蟬依疎柳

長言處燕委空巢
大去時幼學已忘那
用忌

鄉俗

小兒女社
日忘習業

微聾自樂不須醫

古謂社
酒治聾

傷心故里

雞豚集父老逢迎正見思

夜雨感懷

老來每惜歲崢嶸
幾爲巴歌判宿醒
白帝草生

時入夢錦官花重
夏關情簾疎夜雨
侵燈暈枕

冷秋風通角聲定
許何時理歸棹
酒狂猶解賦

劔南詩藁

卷之四
十二

汲古閣

蕪城

八月二十二日嘉州大閱

陌上弓刀擁寓公
水邊旌旆卷秋風
書生又試

戎衣窄山郡新添
画角雄

郡舊止角四枝
近方增如式

早事

樞庭虛畫策
晚遊幕府媿無功
草間鼠輩何勞

磔要挽天河洗洛嵩

九月六夜夢中作笑詩覺而忘之明日戲

追補一首

吾家笑疾自士龍我才雖卑笑則同紛紛世事
何足計畫付撫掌掀髯中清樽可醉風月好虛
空萬象皆絕倒問君此笑是喜不道得老夫輸
一籌

重九會飲萬景樓

粲粲黃花手自持登高聊奮此佳時纖雲不作
看山崇斗酒聊寬去國思落日樓臺頻徙倚西
風鼓笛倍淒悲彭城戲馬平生意強爲巴歌一

劔南詩豪

卷之四
十三

汲古閣

解頤

是日作竹
枝歌舞

久客書懷

行役飽看山沉綿剩得閑忘憂綠落魄耐老爲
癡頑射虎臨秦塞騎驢入蜀關芳洲蘭可佩幽
磴柱堪攀欸乃聲饒楚陬隅句帶蠻

嘉州帶袁
董諸蠻

悠然長自遣故里幾時還

初報嘉陽除官還東湖有期喜而有作

塞上經秋幾醉醒羈愁減盡鬢邊青烽傳八詔

登樓看歌奏三巴忍淚聽好語忽聞還印綬歸
心先已繞林垌呼兒結束從今日鵲語燈花故

有靈

累夕燈有花今早鵲
聲遠舍皆紀實事

聞勾龍司戶會客山亭送酒殽及橄欖并

簡諸同僚

東山如高人吾輩豈易見君獨不出門終日與
相面陰晴煙雨月朝暮知幾變聞君交不瀆冠
佩未嘗燕弛張要有時一笑山未譴高秋得佳

劍南詩藁

卷之四
十四

汲古閣

日折簡喚諸彥風流非俗飲歌舞參筆硯但恨
五日尹阻造三語掾

余方
臥疾

清樽遣分似霜果亦

可薦爛醉君勿辭光景真掣電

九月十六日夜夢駐軍河外遣使招降諸

城覺而有作

殺氣昏昏橫塞上東竝黃河開玉帳晝飛羽檄
下列城夜脫貂裘撫降將將軍櫪上汗血馬猛
士腰間虎文張階前白刃明如霜門外長戟森

相向朔風卷地吹急雪轉盼玉花深一丈誰言
鐵衣冷徹骨感義懷恩如挾纊腥臊窟穴一洗
空太行北嶽元無恙夏呼斗酒作長歌要遣天
山健兒唱

何元立示九日詩臥病累日乃能次韻

何郎戲寫菊花秋落筆縱橫豈易酬豪士乃能
爲老伴寓公那得稱遨頭早衰不耐危亭冷

冷夜

憑涪翁亭欄
杆得疾數日

獨臥空驚眼角愁病起尚思尋宿

劔南詩藁

卷之四
十五

汲古閣

約一樽從子醉東樓

成都行

倚錦瑟擊玉壺吳中狂士遊成都成都海棠十
萬株繁華盛麗天下無青絲金絡白雪駒日斜
馳遣迎名姝燕脂褪盡見玉膚綠鬟半脫嬌不
梳吳綾僂面對客書斜行小草密復疎墨君秀
潤瘦不枯風枝雨葉筆筆殊月浸羅韞清夜徂
滿身花影醉索扶東來此歡墮空虛坐悲新霜

點鬢鬚易求合浦千斛珠難覓錦江雙鯉魚

聞虜亂有感

前年從軍南山南夜出馳獵常半酣玄熊蒼兕
積如阜赤手曳虎毛慘慘有時登高望鄂杜悲
歌仰天淚如雨頭顱自揣已可知一死猶思報
明主近聞索虜自相殘秋風撫劔淚汎瀾雒陽
八陵那忍說玉座塵昏松柏寒儒冠忽忽垂五
十急裝何由穿袴褶羞爲老驥伏櫪悲寧作枯

劔南詩藁

卷之四
十六

汲古閣

魚過河泣

古樂府枯魚詩云枯魚過河泣何時
復還入作書與魴鱖相教謹出入

醉歌

我飲江樓上闌干四面空手把白玉船身遊水
精宮方我吸酒時江山入胸中肺肝生崔嵬吐
出爲長虹欲吐輒復吞頗畏驚兒童乾坤大如
許無處著此翁何當呼青鸞更駕萬里風

初寒

江路常逢雨山城早得寒蘭凋初解佩菊老尚

加餐

嘉陽有崇蘭以
八九月盛開

節物知何負情懷自鮮歡

浮生看已熟不必夢邯鄲

木山

枯楠千歲遭風雷披枝折幹吁可哀輪囷無用

天所赦秋水初落浮江來嵌空宛轉若耳鼻峭

瘦拔起何崔嵬珠宮貝闕畱不得忽出洲渚知

誰推書窗正對雲洞啓叢菊初傷幽篁栽是間

著汝頗宜稱摩挲朝莫真千回天公解事雨十

劔南詩藁

卷之四
十七

汲古閣

日洗盡泥滓滋莓苔一丘一壑吾所許不須夏

慕明堂材

寒夜遣懷

臨觴本不飲憂多自成醉四方行萬里不見埋

憂地憶簪入京都寶馬搖香鬢酣飲青樓夜歌

聲在半空去日不可挽華髮忽垂領娟娟峨眉

月相對作淒冷月落照空床不寐聽寒蟬早知

憂隨人何用去故鄉

嘉陽絕無木犀偶得一枝戲作

久客紅塵不自憐，眼明初見廣寒仙。
只饒籬菊同時出，尙占江梅一著先。
重露溼香幽徑曉，斜陽烘盡小窗妍。
何人更與蒸沉水，金鴨華燈惱醉眠。

雨後登西樓獨酌

老覺人間無一欣，強尋高處看歸雲。
天空列嶂開圖畫，水落寒江學篆文。
四海道途行太半，百

劍南詩豪

卷之四
十八

汲古閣

年光景近中分，交遊賴有麴生在。
正向愁時能策勲。

喜晴

西風吹雨冷淒淒，道上行人白晝迷。
聊挾重雲取朝日，未容嘉穀臥秋泥。
年豐穰府疎文檄，蠻遁邊亭息鼓鼙。
寄語農家莫遊惰，冬閑正要飽鉏犁。

曉出城東

渺渺長江下估船亭亭孤堦隱蒼煙不堪異縣
蕭條地更遇初寒慘澹天巾褐已成歸有約簞
瓢未足去無緣包羞強索侏儒米豪舉何人記
少年

寶劔吟

幽人枕寶劔殷殷夜有聲人言劔化龍直恐興
風霆不然憤狂虜慨然息遐征取酒起酌劔至
寶當潛形豈無知君者時來自施行一匣有餘
劔南詩豪

卷之四
十九

汲古閣

地胡爲鳴不平

風雲十月一日浮橋成以故事宴客凌雲

陰風吹雨白晝昏誰掃雲霧升朝暾三江水縮
獻洲渚九頂秀色欲塞門西山下竹十萬箇江
面便可馳車轅巷無居人亦何怪釋耒來看空
山村竹枝宛轉秋猿苦桑落湫澗春泉渾衆賓
英醉忘燭跋一徑却下緣雲根走沙人語若潮
卷爭橋炬火如星繁肩輿睡兀到東郭空有醉

墨畱衫痕十年萬事俱變滅點檢自覺惟身存
寒燈夜永照耿耿賦長句招羈魂

翠雲閣聞王嘉叟計報有作

嗚呼嘉叟今信死哭君寢門淚如水我初入都
不安交傾倒如君數人耳籠燈蹋雪夜相過劇
論懸河駭隣里地爐燔粟美芻豢石鼎烹茶當
醪醴上書去國何勇決作詩送君猶壯偉十年
偶復過都門君方草制西垣裏鬢鬚班白面骨
劔南詩豪

卷之四
二十一

汲古閣

生心頗疑君遽如此西來例不候達官每欲寄
聲中輒止隻雞絮酒縱有時雙魚素書長已矣
生前客履紛滿戶身後人情薄於紙懸知海內
莆陽公

調陳
丞相

獨念遺孤爲經紀

出城至呂公亭按視修堤

翠靄橫山澹日昇孤亭聊借曲欄憑霜威漸重
江初縮農事方休役可興重阜護城高歷歷千
夫在野築登登寓公僅踵前人迹伐石西山恨

未能

西州築堤織竹貯江石不三年輒壞意謂如吳中取大石甃成則可支久異日常有

辦此者

登樓

從來好境遍人間無奈勞生自欠閑江近時時
吹白雨樓高面面看青山歌聲哀怨傳三硤行
色淒涼帶百蠻

嘉陽立詩

流落愛君心未已夢魂

猶綴紫宸班

醉中作

劍南詩藁

卷之四二十一

汲古閣

晚途豪氣未低摧一飲猶能三百盃爛爛日光
方似電駒駒鼻息忽如雷

又帶百蠻
駕鶴孤飛萬里風偶然來憩大峨東持盃露坐
無人會要看青天入酒中

又對

曾賜琳腴白玉京狂歌起舞蜀人驚却騎黃鶴

橫空去今夕垂虹醉月明

又
画角三終夜未闌醉憑飛閣喜天寬月明滿地
江風急吹落幽人紫綺冠

觀大散關圖有感

上馬擊狂胡下馬草軍書二十抱此志五十猶
癯儒大散陳倉間山川鬱盤紆勁氣鍾義士可
與共壯圖坡陁咸陽城秦漢之故都王氣浮夕
靄宮室生春蕪安得從王師汛掃迎皇輿黃河
劔南詩豪

卷之四
二十二

汲古閣

與函谷四海通舟車士馬發燕趙布帛來青徐
先當營七廟次第畫九衢偏師縛可汗傾都觀
受俘上壽大安宮復如正觀初丈夫畢此願死
與螻螳殊志大浩無期醉膽空滿軀

嘉州守宅舊無後圃因農事之際爲種花

築亭觀甫成而歸戲作長句

吾州山水西州冠正欠雄樓并傑觀奇峯秀嶺
待彈壓明月清風須判斷三峨舊不到郡齋創

爲詩人供几案煙雲舒卷水墨圖草木青紅錦
繡段一時冠蓋共登臨百年父老俱驚惋紫回
舞袖試弓彎宛轉歌聲學珠貫佳人蜂蝶爭遶
鬢上客龍蛇看揮翰寓公雖作一月畱梅發東
湖歸思亂兒戲聊成此段奇陳迹應畱後人歎
明朝艇子沂平菑却伴謫仙遊汗漫
連日扶病領客殆不能支枕上懷故山偶

成

劍南詩藁

卷之四
二十三

汲古閣

已強迂疎假印章更扶衰病主孟觴功名已判
初心負豪俠都無故態狂靜覺此身猶外物嬾
息與世永相忘清泉白石生來事曲几明窗味
最長

余往與宇文叔介同客山南今年叔介客
死臨安十月十一日夜忽夢相從取架上
書共讀如平生讀未竟忽辭去畱之不可

曰欲歸校藥方既覺泫然不能已因賦此

詩

羈魂顛顛遠相尋髭斷肩寒帶苦吟歸按藥方
緣底事知君死抱濟時心

金鎔刀行

黃金鎔刀白玉裝夜穿窗扉出光芒丈夫五十
功未立提刀獨立顧八荒京華結交盡奇士意
氣相期共生死千年史策恥無名一片丹心報
天子爾來從軍天漢濱南山曉雪玉嶙峋嗚呼

劔南詩藁

卷之四
二十四

汲古閣

楚雖三戶能亡秦豈有堂堂中國空無人

言懷

蘭碎作香塵竹裂成直紋炎火熾峴岡美玉不
受焚孤生抱寸志流離敢忘君釀桂餐菊英潔
益三沐熏孰云九關遠精意當徹聞捐軀誠有
地賈勇先三軍不然齋恨死猶冀揚清芬願乞
一棺地葬近要離墳

十月十九日與客飲忽記去年此時自錦

屏歸山南道中小獵今又將去此矣

去年縱獵韓壇側玉鞭自探南山雪今年痛飲
蜀江邊金盃却吸峨眉月竹枝歌舞新教成淒
怨傳得三巴聲城頭築觀出雲雨峨眉正與關
千平酒酣詩就擲盃去醉蹋玻瓈江上路懸知
幽磴斷橋邊已有梅花開半樹

去春冬日

短景忽忽過新寒疊疊來客遊聊戲耳世事亦

劔南詩藁

卷之四
二十五

汲古閣

悠哉綠動連村麥香吹到處梅錦城花柳窟歸
去看春回

十月十四夜月終夜如畫

月從海東來徑尺鎔銀盤西行到峨眉玉宇萬
里寬幽人耿不寐弄影清夜闌五城十二樓縹
緲香霧間不知何仙人亭亭倚高寒欲語不得
往悵望冰雪顏叩頭儻見哀容我躡素鸞掬露
以爲漿屑玉以爲餐泠泠漱齒頰皓皓濯肺肝

逝將從君遊人間苦無歡

下元日五更詣天慶觀寶林寺

朝罷琳宮謁寶坊強扶衰疾具簪裳擁裘假寐
籃輿穩夾道吹煙樺炬香樓外曉星猶磊落山
頭初日已蒼涼鳴騶應有高人笑五斗驅君早
夜忙

梅花

老厭紛紛漸解歡愛花聊復客江干月中欲與

劍南詩彙

卷之四
二十六

汲古閣

人爭瘦雪後偷憑笛訴寒野艇幽尋驚歲晚紗
巾亂插醉夏闌尤憐心事淒涼甚結子青青亦
帶酸

又

月地雲階暗斷腸知心誰解賞孤芳相逢只怪
影亦好歸去始驚身染香渡口耐寒窺淨綠橋
邊凝怨立昏黃與卿俱是江南客剩欲尊前說

故鄉

又

玄冥行令肅冰霜牆角疎梅特地芳
屑玉定煩修月戶堆金難買破天荒
了知一氣環無盡坐笑千林凍欲僵
力量世間誰得似挽回歲律放春陽

又

折得名花伴此翁詩情恰在醉魂中
高標不合塵凡有尤物真窮造化功
霧雨夏知仙骨別鉛劍南詩橐

卷之四
二十七

汲古閣

丹那悟色塵空前身姑射疑君是
問道端須順下風

西園

半掩朱門蘚徑斜翠屏繡谷忽豁
訝高高下下天成景密密疎疎自在
花江近夕陽迎宿鷺林昏殘角促歸
鴉吾舟已繫津南岸喚客猶能一笑
譁

胡無人

鬚如蝟毛磔面如紫石稜丈夫出門無萬里風
雲之會立可棄追犇露宿青海月奪城夜蹋黃
河水鐵衣度磧雨颯颯戰鼓上隴雷憑憑三夏
窮虜送降款天明積甲如丘陵中華初識汗血
馬東夷再貢霜毛鷹羣陰伏太陽昇胡無人宋
中興丈夫報主有如此笑人白首蓬窗燈

公無渡河

閩雅安守溺死於嘉陵江代其家人作

大莫大於死生親莫親於骨肉河不可憑兮非

劔南詩藁

卷之四 二十八

汲古閣

有難知言之不從兮繼以痛哭望雲九井兮白
浪嗟峨劔肝瀝血兮不從奈何秋風颯颯兮紙
錢投波從公於死兮下飽蛟鼉

長門怨

寒風號有聲寒日慘無暉空房不敢恨但懷歲
算悲今年選後宮連娟千蛾眉早知獲譴速悔
不承恩遲聲當徹九天淚當達九泉死猶復見
思生當長棄捐

長信宮詞

憶年十七兮初入未央獲侍步輦兮恭承寵光
地寒祚薄兮自貽不祥讒言塞之兮臯釁日彰
甌來嗟峨兮勢如壞牆當伏重誅兮鼎耳劔鋹
長信雖遠兮匪棄路旁歲給絮帛兮月賜稻粱
君舉玉食兮犀箸誰嘗君御朝衣兮誰進熏香
婕妤才人兮儼其分行千秋萬歲兮永奉君王
妾雖益衰兮尚供蠶桑願置繭館兮組織玄黃

劔南詩藁

卷之四
二十九

汲古閣

欲訴不得兮仰呼蒼蒼佩服忠貞兮之死敢忘

銅雀妓

武王在時教歌舞那知淚灑西陵土君已去兮
妾獨生生何樂兮如何苦亦知從死非君意偷
生自是慙天地長夜昏昏死實難孰知妾死心
所安

得韓无咎書寄使虜時宴東都驛中所作

小閣

大梁二月杏花開錦衣公子藥傳來桐陰滿第
歸不得金轡玲瓏上源驛上源驛中搥画鼓漢
使作客胡作主舞女不記宣和粧廬兒盡能女
眞語書來寄我宴時詩歸鬢知添幾縷絲有志
未須深感概築城會據拂雲祠

唐中受降城
在拂雲祠

曉坐

低枕孤衾夜氣存披衣起坐默忘言
拚花力盡無風墮爐火灰深到曉溫
空橐時時聞鼠齧小劔南詩橐

卷之四
三十

汲古閣

窗一一送鴉翻悠然忽記幽居日下榻先開水
際門

斷碑歎

興元姚節度園以折碑爲石筍文
猶可識蓋梁蕭懿墓碑簡文爲太

子時撰書法
適美可愛

二蕭同起南蘭陵正如文叔與伯升至今人悲
大蕭死齋恨不見梁家興崇崇之陵久爲谷豈
惟羣盜分珠玉斷碑槎牙棄道邊文字班班猶
可讀剝剝苔蘚一悽然俯仰人間幾變遷世人

作碑君勿哂千載園林須石筍
夜行至平羗憩大悲院

憶昨遊天台投石橋宿水聲亂人語炬火散
山谷穿林有鶯鶻截道多犇鹿今夕復何夕此
境忽在目蒼茫陂十里清淺溪數曲微霜結裘
茸落葉拂帽屋下馬憩村寺頽然睡清熟覺來
窗已白殘燈猶煜煜

迂益帥馬上作

劔南詩藁

卷之四
三十一

汲古閣

馬上遙看江上山白雲紅樹畫圖間經年簿領
無休日却向忙中得少閑

蜀酒歌

漢州鵝黃鸞鳳雛不鷲不搏德有餘眉州玻瓈
天馬駒出門已無萬里塗病夫少年夢清都曾
賜虜皇碧琳腴文德殿門晨奏書歸局黃封羅
百壺十年流落狂不除遍走人間尋酒壚青絲
玉瓶到處酤鵝黃玻瓈一滴無安得豪士致連

車倒瓶不用杯與孟琵琶如雷聒坐隅不愁渴
死老相如

十一月八日夜燈下對梅花獨酌累日勞

甚頗自慰也

犇走人間無已時夜窗喜對出塵姿移燈看影
憐渠瘦掩戶畱香笑我癡冷豔照杯欺麴蘖孤
標逼硯結冰澌本來難入繁華社莫向春風怨
不知

劔南詩豪

卷之四
三十二

汲古閣

醉後草書歌詩戲作

朱樓矯首隘八荒綠酒一舉累百觴洗我堆阜
崢嶸之胸次寫爲淋漓放縱之詞章墨醜初若
鬼神怒字瘦忽作蛟螭僵寶刀出匣揮雪刃大
舸破浪馳風檣紙窮擲筆霹靂響婦女驚走兒
童藏往時草檄喻西域颯颯聲動中書堂

余嘗
草承

相魯公以下與夏
國主書於政事堂

一收朝跡忽十載西掠三巴

窮夜郎山川荒絕風俗異賴有酒美猶能狂醉

中自脫頭上幘綠髮未許侵微霜人生得喪良
細事孰謂老大多悲傷

古藤杖歌

我有古藤杖夭矯蛟龍形生於峭壁絕磔上乃
是會稽山陰之蘭亭歷吳入楚上巴硤北遊直
看秦山青夜飛或隨暴雨去旦歸常帶流漿腥
與子扶攜各老大勿復狡獪誇神靈悄悄從此
常倚壁聽我夜誦黃庭經

劔南詩藁

卷之四
三十三

汲古閣

歲晚書懷

殘歲堂堂去新春鼎鼎來夢移鄉國近酒挽壯
心回暎律初催柳晴光併上梅東湖有歸日衰

抱得頻開

已遣人
逐新守

累日倦甚不能觴客睡起戲作
粉闥紅蕪罇俎薄不如止酒得安眠無心已破

浮生夢有力聊輕造化權脫髮滿梳真老矣斷

香縈几故偷然晚知古佛中邊語正合蒙莊內

外篇

種花

西園作戲喚春回桃李陰陰三萬栽不是無心

看開遍錦江煙柳待歸來

時將還成都

雨中登樓望大像

去年寒雨中騎驢度劔閣今年當此時臥聽邊

城柝巍巍千尺像與我兩寂寞交遊閱四海此

老差可託但當頻自省諸惡誓莫作時時一憑

劔南詩豪

卷之四三十四

汲古閣

高相望要不作桑間戒三宿堅坐豈渠樂却應

輸老夫新春買芒屨

迎赦呈王志夫李德孺師伯渾

平明置騎傳詔函帝意欲與東皇參青城回仗

國人喜金鷄啣赦天恩覃吾君愛民靡不到黃

紙字密如吳蠶紀元故事極用九聖政盡美方

登三

赦書收明年元

嗟余久已去魏闕夢想豹尾猶參

參過郊一月方拜赦始知身落天西南歡呼已

怪衰病愈蹈舞更覺春風酣何當與子歸共載
二月起柁江如藍

冬日

幸是元無了事癡偷閑聊復學兒嬉午窗弄筆
臨唐帖夜几研朱勘楚詞山暝已無梅可折江
清猶有蟹堪持舊交乖隔音塵斷安得歌呼共

一卮

蜀中惟嘉州有蟹

雨中睡起

劔南詩藁

卷之四
三十五

汲古閣

磔磔寒禽無定棲纖纖小雨欲成泥松鳴湯鼎
茶初熟雪積爐灰火漸低一氣推移均野馬百
年蒙覆等醯鷄青山黃葉蘭亭路憶喚鄰翁共
架犁

十二月初一日得梅一枝絕奇戲作長句
今年於是四賦此花矣

高標已壓萬花羣尙恐嬌春習氣存月兔擣霜
供換骨湘娥鼓瑟爲招魂孤城小驛初飛雪斷

角殘鐘半掩門盡意端相終有恨夜寒皺玉倩
誰溫

無題

画閣無人晝漏稀離悰病息兩依依釵梁雙燕
春先到箏柱羈鴻暝不歸迎得紫姑占近信裁
成白紵寄征衣晚來更就隣姬問夢到遼陽果
是非

快晴

劔南詩橐

卷之四
三十六

汲古閣

地闢天開斗柄回今朝紅日遍池臺新陽蘇醒
春前柳輕暖醫治雪後梅瓦屋螺青披霧出錦
江鴨綠抱山來衰翁也逐兒童喜旋撥文書近
酒盃

獨坐

巾帽欹傾短髮稀青燈照影夜相依窮邊草木
春遲到故國湖山夢自歸茶鼎松風吹謾謾香
奩雲縷散醅醅羸駢敢復和蠻望只願連山首

菡肥

十二月十一日視築隄

江水來自蠻夷中五月六月聲摩空巨魚穹龜
牙鬚雄欲取闔市爲龍宮橫隄百丈臥霽虹始
誰築此東平公今年樂哉適歲豐吏不相倚勇
赴功西山大竹織萬籠船舸載石來亡窮橫陳
屹立相疊重置力尤在水廟東我登高原相其
衝一盾可受百箭攻蜿蜒其長高隆隆截如長
劔南詩藁

卷之四
三十七

汲古閣

城限羗戎安得椽筆記始終插江石崖堅可礮

題龍鶴菜帖

東坡先生元祐中與其里人
史彥明主簿書云新春龍鶴

菜羹有味舉箸
想復見憶邪

先生直玉堂日羞太官羊如何夢故山曉枕春
蔬香春蔬尚云爾況我舊朋友萬里一紙書殷
勤問安否先生高世人獨恨不早歸坐令龍鶴
菜猶愧首陽薇

春愁曲

容話成
鄰戲作

處羲至今三十餘萬歲春愁歲歲常相似外大
瀛海環九洲無有一洲無此愁我願無愁但歡
樂朱顏綠鬢常如昨金丹九轉徒可聞玉兔千
年空擣藥蜀姬雙鬟姹嬌醉看恐是海棠妖
世間無處無愁到底事難過萬里橋

荀秀才送蠟梅十枝奇甚爲賦此詩

與梅同譜又同時我爲評香似夏奇痛飲便判
千日醉清狂頓減十年衰色疑初割蜂脾蜜影
劔南詩藁

卷之四
三十八

汲古閣

欲平欺鶴膝枝挿向寶壺猶未稱合將金屋貯
幽姿

離嘉州宿平羗

初挈囊衣宿水村蕭然一掃舊巢痕本來信手
忘工拙却爲無心少怨恩自笑遠遊謫馬上已
營小築老雲根淡煙疎雨平羗路便恐從今入
夢魂

瑞草橋道中作

經年簿書無少暇欸段今朝欣一跨瑞草橋邊
水亂流青衣渡口山如画老翁醉著看龍鍾小
婦出窺聞姪妣荒陂吹笛晚呼牛古路倚梯晨
采柘殘花零落不禁折香草丰茸如可藉鄧亭
慈竹筍穿籬野店蒲萄枝上架功名坐世端有
數利欲昏心喜瘞罇羈窮自笑豈人謀閒放每
欲從天借草根蟲語祇自悲風裏逢征安稅駕
祖師補處浣花村會傍清江結茆舍

劔南詩橐

卷之四
三十九

汲古閣

遊修覺寺

上盡蒼崖百級梯詩囊香碗手親攜山從飛鳥
行邊出天向平蕪盡處低花落忽驚春事晚樓
高剝覺客魂迷興闌掃榻禪房臥清夢還應到
剡溪

晚步湖上

雲薄漏春暉湖空弄夕霏沾泥花半落掠水燕
交飛小倦聊扶策新晴旋減衣幽尋殊未已画

角喚人歸

暮春

忙裏偷閑慰晚途春來日日在東湖凭欄投飯
看魚隊挾彈驚鴉護雀雛俗態似看花爛熳病
身能鬪竹清癯一樽是處成幽賞風月隨人不
用呼

池上醉歌

我欲築化人中天之臺下覩四海皆飛埃又欲

劔南詩藁

卷之四十四

汲古閣

造方士入海之舟破浪萬里求蓬萊取日挂向
扶桑枝畱春挽回北斗魁橫笛三尺作龍吟腰
鼓百面聲轉雷飲如長鯨海可竭玉山不倒高
崔嵬半酣脫幘髮尙綠壯心未肯成低摧我妓
今朝如花月古人白骨生蒼苔後當視今如視
古對酒懨懨何爲哉

四月五夜見螢

蜀州官居富水竹四月螢火遶梁飛流年迫人

不相貸客子倦遊何日歸

塞上曲

三尺鐵如意一枝玉馬鞭
笑把出門去萬里行
無前當道何崔嵬
云是玉門關方當置屯守
征人何時還馬色如雜花
鎧光若流水肅肅不敢
譁遙望但塵起日落戍火青
煙重塞垣紫回首
五湖秋西風開芙蓉

山泉夜聞塢鈴及泉聲

劔南詩橐

卷之四
四十一

汲古閣

山泉瀉幽竇塢鈴搖天風清音無時盡
靜夜尤
窵瓏嗟我走紅塵市聲聒欲聾
多生耳根業賴
此一洗空夢騎白鳳皇佩玉朝珠宮覺來撫枕
歎月滿草堂中

劔南詩橐卷第四

虞山毛晉宋本校刊

男辰可校

孫綏德又校



